













Wesoly dodatek

**GUSTLIK**

do Polski Zachodniej

**Gustlik gro...****Dziecko polskie do szkoły polskiej**

Po gminach plakaty  
wiszą i napisy:  
Już od poniedziałku  
szkolne są zapisy.

Tóż się tam rzytującie  
wszyscy zaś do pracy:  
Kaj trza, niech tam zańda  
Polki i Polacy.

„Deutsche Frauen“ chodzą  
już z obietnicami,  
A za dziecko placą  
z „Osthilfy“ markami.

Nie dajmy kraść wrogom  
dusze polskich dzieci —  
Do rodziców słowo:  
niech serdeczne lecą!

Kto swe dziecko kocha,  
wrogom niech nie wierzy —

**Dziecko twe do polskiej  
szkoły tu należy.**

Gustlik.

**„Volksbundowe“ zalecanki.**

Chodzi lis z Volksbundu i dusze skupuje,  
Daj mi, matko, dziecko, raj mu tu zgoutuje.  
Dam pończoszki, butki, dam koszulkę, małtki,  
Jeno zapisz dziecko twe do „minderhajtki“.  
A matka - Słazacka, choć ją bieda gnacie,  
Rzecz: przez Orgolu, bo to polskie dziecie!  
Moje polskie dzieci do polskiej dam szkoły,  
Ty zaś skupuj sobie głupie osły, woły!

**Godka Klachuli.**

Moji Złoci! Nie mogą wam tego przemilczeć, iżech we szczworteck 10. 4. rb. była w Bielszowicach na święconem. A co tam było z tego uciechli! Jużech też w Bielszowicach nie była lata, aże lata, po jtdno iżech nie tam nie przozono, a po drugie iżech się trocha bóla pogorszyła ra Bielszowice, bo nie starały się tak robić, jak majom robić nasze Polki, a po trzecie, iżech w Bielszowicach kobiety trocha za dużo łoczka puszczały, kaj śpiewali „Deutschland über alles“ i kajindzi! Wy wiecie kaj.

Dziesiej, dziesiej jest tu już blank inacy. Już nasze kobiety się poprawiły. Wyboczcicie, nie chcą pedzić poprawiły, bo bóły też tu nieklere gorliwe, ale łony się tu jakoś nie umiały ruszać, albo bóły bez matki, jak to czasem jest w ulu, kiej pszczoły som bez królowny i pszczoły nie nic robiom. Abo bóły chore albo co? Nie wiem, co im bólo.

Moji Złoci, ale terazki jest blank inacy. Tóż tyż nie prosily na święcynik. Radach, iżech nie prosily, bo już mi bólo aż teschno łobejdzęd se te downiejsze, wom padom, bojowe Bielszowice. No i ida se tak plichty z Nowej Wsi i łoglon-dom sie, jak tu wszystko inaczy! Moji Złoci, ażech nie chciały wierzyć, iżech to B'elszowice. Drogi takie porzomne i czyste, pozamiatane, nowe. Kaj downi nie szło ani fórom przejechać, to dziesiej plynkno szeroko droga, przy drodze piękny łogród, a kaj nie poradziły konie woza wieźć z wongiem, też dość szykowno

droga, a jeszcze ją chom bezmała latoś bić. Kamieni już nawieźli. Łod dworca, wom padom, idzie się choćby po umytej izbie. Już tam nie ma ani downiejszego marasu, ani nic. Tak się Bielszowice zmieniły.

Tu i tam mie poznali i serdecznie u siebie w Bielszowicach witali. No i kiej se tak ida wiecie z tom Madlynom łod Łopaty, i łosprowiomy se ło tych downy-nych czasach, to sie dowiadują dużo aże dużo o wszystkim sie dowiadują. I kogoż jo teraz widza? Rychtyk to, Stazyjka Wichtorowa. Wiecie ale sie też te dziolszysko opragdało! Już też mo dwoje dzieci, no a chłopa, jakiego poszukać daleko! No i pado mi ona: „Pewnie, podobom wom sie terazki w Bielszowicach, co?“

— Plynkie — padom — im, hm!

— Wiecie, Pani Różło — pado mi Stazyjka — ten porządek w gminie cały zrobił nasz szolys p. Antoni Olszowski. Wiecie, Różło, to jest ten, co to tak som szoł w powstaniu aż pod Łopole i nie sie nie boł w powstaniach, ani śmierci, ani kul, ani nic. Jakim bół festelnym powstańcem, takim teraz jest festelnym naczelnikiem. Gminę przywiód do porzondku. A Madlyno dodała dumnie:

— Kochana Rozalko, to wszystko się staro p. Olszowski jak prawdziwy łociec gminy: ło siostry klasztorne, ło chłopców, co już nie chodzą do szkoły, a som w związku św. Alojzego, staro sie ło dzieci, co idom do I. Komunji św., wom padom ło wszystko. To też czasem nie-

którym sie nie podobo, iżech tak dobrze dbo ło wszystko, bo łon widzi wdyczko, kaj jest nieporzondek i zaroz musi to być oporzondzone. Ale też Bielszowice, łodkond łon jest za naczelnika, blank inaczy wyglondajom. Czysto w sklepach, czysto na drogach i wszyndzie.

— Moje Kochane — zawołała Madlyna — ale i księżoszków mamy inszych. Byli też u nos na tym poświęconym. Ks. Farosz poświęciłi kroszonki i mięso i co bólo łod jedzenia. Plynkie nom podzielił o znaczeniu tych święconych rzeczy. Na święconym naszym byli też i pon farosz Doleżył z Kończyc, pani Dochterowa Kujawska, pani Klimkowa, no i Państwo Naczelnikowie. Ci księżoszkowie nie boli sie przyść do nos, cholechmy saszonarki, jak to czasem jest kajindzi. Kapelonek Miczka też tu był.

— Moje drogic — rzekła Stazyjo — też ło som dobry księżoszek ten kapelonek.

Kiej se tak idymy, leci wtoś jak bez ducha. Patrza, rychtyk, to Prakseda! Dowiedziła sie, iż ida na święcone kroszonki i jak mie wto tak mie wto i pyto, ło czym godka.

— Toł, ło kapelonek — mówi Madlyna. — Tak plynkie też do nos wszystkich przemówili przy tym święconym, żechmy wszystkie ten som łogien w sercu czuly, kaj miałychmy przed powstaniem i przy plebiscycie dia naszy Ojczyzny. Wszystkiechmy se padały: Tak bydymy robiły, jak kapelonek nom kozali.

— Takie plynkie kozania ten kapelo-

nek wdyczko majom — chwoliła Stazyjo Wichtorowa.

— Kieby tu u nos chcieli być jak naj-dłuży! — rzekły wszystkie.

— Moje Złote — pado im — dej Boże, żeby tak ja tu u Was ech widziła, było by wszędzie, tak zgodnie, tak lednej my-śli, ludzie z księżoszkami, księżoszkowie z ludźmi. Moje Złote, ale jeszcze dziś jest dużo kobiet, co nie chom zgodnie żyć jak w Bielszowicach. Starejmy sie, żeby łone też do jednej gromady nlezały.

Teroski wom jeszcze przypomina, iżech 2-go moja bydzie w Katowicach wielkie święto. Żebychmy sie tam zaś wszystkie widziwały i ręce se podały.

Już musza kończyć, bo mi już brakło papłoru na pisanie a nie chca do Was na papłórze z tytki pisać. Ale jeszcze mom cosik przedko na sercu: żeby każde zapisała dziecko do szkoły polskiej i napomni-aly o tem te drugie niepewne. Tóż łod widzenia! A zaprosicie mie też zaś kiej do was na krepke i na kakatej, to se zaś pogodomy.

Wasza Różła Pyscycka.

**Podział władzy.**

Hanys: Słuchaj jyno, Jakóbie, godała ludzie, że twoja baba chodź w galotach i rządzi wszystkim, a ty jesteś niczem w domu.

Jakób: Ale, bery, Hanysie! My se z moją starą rządzyomy na poly i tak my se władza podzieliłi: łona rządzi pie-niądami, kusem i dziećmi, a jo, rozumies, Hanysku, mom pod sobą kanarka, kar-bitka i rąbanie drzewa.

